

10 Mir triibet devo

Musik: Sandro Purple Green
Text: Turescht, Flare

1. Part, Turescht:

über de wulche, wos kei gränze git
würkt de wäg is liecht fascht unändlich wiit
mol mit wasserfarb mis stärbild
und ha trotz schmalem grad die wält im blick, lug!
wiit überem wulchemeer
es vakuum für d'seel, de druck esch weg
fühl mi frei und unbeschwert
hol de anker ii und loh de sturm is herz
en früsche wind git mer uftrieb
trieb mich ah bimne irdische luftschnitt
git mer chraft für de wiiteri ufstieg
bisch parat für mis innere kunschtwerch
tüemmer so, als wär s'flugzüüg am himmel
e sternschnuppe, ich hätt en wunsch parat
wünsch mer meh wunder, s'git kei wunder meh
doch überem wulchemeer isches wunderbar, chum!

Hook: (2x)

**und mir triibed devo
bis über de wulche das liide vergoht
und susch bliibemer do
und stiiged empor, wenn däh iifer sech lohnt**

2. Part, Flare:

ich phalte de kurs
s'ziil isch sit langem scho s'gliiche, ich start de motor
s'weihed fahne im sturm
stiig uf das dach vo dem schiff, nimme platz ufem bug
zieh dur s'land über d'luft
de beat ischs benzin, mich tangiered distanze nid gross
d'liideschaft triibt mi furt
ich nimm es blatt und en stift, jede satz do isch kunscht
und ich hoff, dass mir s'paar wert vermittled
de boarding pass fungiert neu als gäschtelischte
passagier werded wie helde gfiiret
motiviert die schiibe mit tags z'verziere
ihr wend ue, nähmed doch holzklass-sitz
mir sind down, wenn usm holz e wholecar wird
hend de flugplan jetz, s'git kein notfall meh
teile d'botschaft mit, überem wulchemeer

10 Mir triibet devo

Musik: Sandro Purple Green
Text: Turescht, Flare

Hook (2x)3. Part, Flare & Turescht:

egal öbd sicht schlächt isch, trotzed im gägewind
d'kontur vom luftschloss, folged em stärbild
erhöh de schallpegel, schick d'sonde in chärn vo mir
schüss flares, will hindä verfolger und gägner sind
zolle respäkt, a pilote und pionier
mir stossed uf d'formle, s'bliibt de kurs, womer wiiterziend
d'gunscht vode stund, nur die stunde verstriiched nie
d'luscht wieder zrugg, erchundemer die gebiet
unufhaltbar bis im dunkle es liecht erschiint
wort sinn ergänd, versorged euch mit däm stiis
und wenn euch denn über wulche de himmel trifft
wird d'luft zum schloss, wo d'wunde versiegled sind
drum lömmer d'ebbe ufs meer riisse
folged em wind, nähmed d'sterne als wegwiiser
bliib lieber turescht als ewige bergstiiger
bis d'fluet vom wulchemeer zrugg as ufer chehrt

Hook (2x)